



Ysgol y Llys  
Rhodfa'r Tywysog, Prestatyn  
Sir Ddinbych, LL19 8RP  
e-bost | email: [ysgol.yllys@sirddinbych.gov.uk](mailto:ysgol.yllys@sirddinbych.gov.uk)  
ffôn | phone: 01745 853019  
gwefan | website: [www.ysgolyllys.cymru](http://www.ysgolyllys.cymru)

20/02/2025

## **Parthed: Cylchlythyr**

Annwyl Rieni,

A dyma ni ar ddiwedd hanner tymor arall! Mae'r flwyddyn academaidd yma yn hedfan heibio. Dyma i chi ychydig o wybodaeth am beth sydd i ddiwydd yn dilyn y gwyliau hanner tymor.

**Noson Rieni** - Llauer o ddiolch i'r rhai a fynychodd noson rieni yn ddiweddar. Teimlwn fel ysgol bod y nosweithiau wedi bod yn llwyddiannus. Hoffwn gasglu eich barn chi am y trefniadau. Cwblhewch yr holiadur byr gan ddilyn y linc yma: <https://forms.office.com/e/hHnrE19ULW?origin=lprLink>

**Dydd Gŵyl Dewi Sant** - Eleni, bydd Dydd Gŵyl Dewi Sant yn cael ei gynnal yn ystod y gwyliau hanner tymor. Felly, fel ysgol rydym wedi penderfynu caiff y dysgwyr ddod i'r ysgol ar **Ddydd Llun y 3<sup>ydd</sup> o Fawrth** yn gwisgo coch, gwyn neu wyrdd neu wisg draddodiadol Gymreig. Byddwn yn dathlu ein Cymreictod yn ystod y diwrnod hwn gan ymgymryd mewn gweithgareddau i dathlu Cymru.

**Diwrnod y Llyfr** - Byddwn yn dathlu **Diwrnod y Llyfr ar Ddydd Iau'r 6ed o Fawrth, 2025**. Caiff y dysgwyr ddod i'r ysgol wedi gwisgo fel eu hoff gymeriad allan o lyfr neu mewn pyjamas. Gofynnwn yn garedig i'r dysgwyr ddod a'u hoff lyfr i'r ysgol hefyd er mwyn iddynt gael cyfle i'w ddarllen yn ystod y dydd. Hefyd bydd y Cyngor Ysgol yn rhoi cyfle i ddysgwyr brynu llyfr am 50c o'r stondin llyfrau ail law. Mwy o fanylion i ddilyn.

**Eisteddfod yr Urdd** - Mae'r dysgwyr wedi bod yn brysur yn ymarfer ar gyfer yr Eisteddfod yr Urdd yn ddiweddar, sydd yn cael ei gynnal yn **Ysgol y Llys ar Ddydd Sadwrn, Mawrth y 15<sup>fed</sup>, 2025**. Bydd y rhagbrofion yn cychwyn am 9 o'r gloch y bore a'r sesiwn prynhawn ar gyfer y llwyfan yn cychwyn am 1 o'r gloch. Edrychwn ymlaen at weld pawb sydd yn cystadlu yn cynrychioli Ysgol y Llys ar y diwrnod. Llauer o ddiolch am eich cefnogaeth.

**Prosiect Taith** - Yn ddiweddar, croesawom 4 aelod o staff o Wlad yr Iâ i Ysgol y Llys. Yng nghanol mis Mawrth, bydd 4 aelod o staff, Mrs Robertshaw, Mrs Rose, Mrs McCabe a Mrs Mason, yn mynd draw i Wlad yr Iâ i weld yr holl brofiadau mae dysgwyr yno yn ei gael. Bydd mwy o fanylion i'w ddilyn yn dilyn y gwyliau.

**Eisteddfod Offerynnol** - Hoffwn longyfarch Megan o flwyddyn 6 am ddod yn gyntaf wrth chwarae'r piano yn yr Eisteddfod Offerynnol yr Urdd Sir Ddinbych yn ddiweddar. Rydym yn hynod o falch ynddi a dymunwn yn dda iddi yn yr Eisteddfod Genedlaethol lawr yn Abertawe ym mis Mai.

**Rhiant Llywodraethwr** - Yn dilyn y broses o ethol rhiant llywodraethwr, rydym yn falch o gyhoeddi mai Miss Catherine Gilmore fydd yn ymuno ein Corff Llywodraethol. Edrychwn ymlaen at gydweithio gyda hi.

**Chwaraeon yr Urdd** - Llongyfarchiadau mawr i'r ddau dîm rygbi yn nhwrnamaint rygbi'r Urdd yn ddiweddar. Cynrychiolodd y merched Bl.5 a 6 Ysgol y Llys yn arbennig gan gollu yn y chwarteri a thîm cymysg Bl.3 a 4 yn colli yn y ffeinal. Rydym yn falch iawn ohonynt nhw i gyd. Llauer o ddiolch i staff a rhieni am helpu.

Mwynhewch y gwyliau hanner tymor ac edrychwn ymlaen i weld pawb yn ôl yn yr ysgol ar **Ddydd Llun y 3ydd o Fawrth, 2025**.

Yn Gywir,

*Mr Rhys Griffith*

Mr Rhys Griffith a Staff Ysgol y Llys  
Pennaeth

Cyfeirier pob gohebiaeth at y Pennaeth  
Please address all communications to the Headteacher

